

先秦—清末

《中國野史集成》編委會
四川大學圖書館 編

中國野史集成

錢謙題卷



巴蜀書社

中國外史集

卷之二十一



《中國野史集成》編委會
四川大學圖書館 編

	中
集	國
成	野
41	史

先秦—清末

巴蜀書社

目 錄 (第四十一冊)

紅亂紀事草	一
蒙寇志略	一六
援守井研記略	四四
平定獠匪紀略	五四
援黔錄	七八
覺夢錄	二四五
梟林小史	二五〇
太平天國軼聞	二五六
太平天國野史	三六七
太平天國宮闈秘史	四九六
蕩平髮逆圖記	五二〇
彝軍紀略	六三〇

紅亂紀事

胡蝶安題

紅亂紀事草

曹晟撰

癸丑八月初五上丁助祭文廟聞警卽事

整肅冠裳夜四更妖言轉笑昨宵輕出門惟訝街無柝入廟已知殿列牲
三獻將行諸事集一言告警衆人驚可憐與祭諸君子雲散風流次第行

記恨四律

非吾族類必心違鳥獸奚能供指揮遍地戈矛民喪業終宵劫殺賊揚威
防機縱說先人策讀武誰知古戒微養士養奸今日辨任君插翅也難飛
縱潛窟室莫逃生如夢如癡歲幾更只道多財堪買死可憐無術妄談兵

紅亂紀事草

一 上海軍故遺書

蒼生悞盡誰擔咎黑劫臨時孰告成尙有寸長宜想處烏紗金印未移情
朝來尙貼按民文不惜金錢散賊氣超逸出藍稱妙策倉皇行李豈虛聞
喪心朱紫皆從寇枵腹經猷早入羣脫却朝衣經竄者書生前引後將軍
築邪曾扞上民災哲裔今朝實可哀沐血果然臨大節不減久已隔庸材
身經賊殮魂冤兮大守棺停亦怪哉指日天戈臨滬濱羣兇殺盡慰泉臺
八月十日兵戈介馬之中勉爲松兒娶婦贅於城外朱氏事極草草
禮猶井井同念老妻避鄉樓兒羈肆不禁黯然率書四十字爲紀事
詩可也爲絕命詞亦可也

身陷危城內兵戈滿眼前痛分生骨肉牠畢舊姻緣坐立俱非地存亡悉
付天百憂攢五內度日信如年

癸丑中秋悽風苦雨坐困敝廬覓得一樽借黃品三表侄少園叔秋
齡侄并松檜二兒煮蔬小酌酒後愁來遂成一律誌恨也

曾經五十八中秋此度中秋迥不侔人以驚惶歡亦假酒因悲苦醉忘休
茫茫後事如浮海耿耿思學繫舟把盞遙空酬月姊風狂雨驟且埋頭
驚傳賊有書院考試之說急與砂雨兄決意棄家逃遁惶惶終夜質
明至城不能出還匿於東華道院者三日夜後知有人罷其議得確
乃歸歎以記之

平生誤我是文章今爲文章急斷腸賊盜烏知識丁字喧傳汗蔑到書鄉
初謂街談或巷議誰知警告來數四弟兄啼吁洒血呼此事從違關大義
違之斷刀頭從之卽匪類盡爲自盡謀全屍謝物議阿兄遽解頤極稱辦

紅亂紀事草

二 上海掌故叢書
第一集

易易莫若出門走兇鋒立刻避終夜淚盈盈算來朝地子身赤手棄家
逃雁侶哀哀敢憚勞爭奈哥哥行不得恨無健羽任翔翱救死無過城北
公公於士類馬牛風片言立毀如山令竟爲文壇立大功莫作有心拯顛
沛素辱儒生罵文句特恐大權一旦分埋沒而人人脫害乍聞安敢返蓬
門匿處梵宮學旅魂平安迭報日又日頭顱我舌幸俱存

八月二十一日賊決意閉城且填大小二南門卽事口占

骨肉重圓快不支陡聞警報又分離劇憐苦雨悽風裏弱質倉皇就道時
憑城狐鼠亂紛紛封穴忙忙蟻作羣可歎繁華都會地村烟無復射斜曛
揭竿削木滿城樓未熟黃粱夢未休無翅可騰怕相對板扉固閉淚長流
家家額手慶重生望慰雲霓集援兵指日芟除荆與棘重教雙眼曠然清

二十六日夜微雷未雨中懷有感枕上托意口占

雷鼓殷其欲雨時萬民久已望雲霓大公肯救如焚苦速霽甘霖慰渴思
偶見雞母呼離感懷有作

羣雞依母樂陶然雄喚雌呼各任天飲啄不知珠桂價由他滄海變桑田
八月二十七日松郡救兵至上乘銳攻城炮如雨集匪衆未得施炮
之法燃火一位許酬洋銀四元然準頭不對不能及於我軍驚惶無
計小匪逃遁賊首欲降潘朱二賊持之時已薄暮我軍退惜功虧一
簣焉因作絕句四首以記之

合城狐鼠亂紛紛果見城頭壓陣雲喊殺聲聲潮鼓浪家家共炷瓣香焚
拋戈棄甲竄西東此際登城賊壁空三箭天山操券事不難功奏笑談中

紅亂紀事草

三 上海掌故叢書
第一集

烏合由來豈習兵况當癘發各逃生降旂已決開門議得緩須臾捷告成
斜陽未下敵樓邊持重班師令忽宣逆賊歡呼民飲泣可憐星眼望曾穿
二十九日午刻見賊衆拆女牆排炮對準頭教之者皆兵弁之從賊
者惜不知其名不能記載憤甚而作淚隨筆下也

教孫升木罪彌天忍把軍裝付賊便具此忠心具此略問君食祿幾多年
斜正勞勞尺寸爭不思殺賊殺官兵慚余舊日旁觀者只識其人不識名

九月初三日我軍又攻小南門幾破復退夜又攻不克口占誌恨

者同難比那回難畢竟賊胆尙寒做盡當車千百技聞聲仍竄滿街端
神機疊發蕩游魂鼓不衰音賊必奔殲敵多方成法在緣何祇打小南門
困獸絀城氣亦雄回戈定見賊途窮無端竟墮垂成績又聽鳴金大寨中

中宵忽起喊聲高殺氣冲天神鬼號一著未周成再候血腥和雨濕征袍
當年九日恒在東華道院禮斗朝真今惟住持一人在焉舉目傷心
敬將心事誓神祈保生無疾病纏綿死必迅速少痛歸家漫誌

每當九日必朝真寂寞梵宮碧草新度蕪瓣香和血淚敬將寸志訴靈神
頭因倔強恒延頸病以孤單莫染身若把家聲墮清白永沉畜道不爲人

土棍木關刀者其女小關刀非良家婦素與衆無賴往還故壯丁之
入小刀會者一一悉知其人熟其面大兵集小關刀利其有賞匪徒

之潛出窺探及買賣者恒暗示游兵指點擒捉匪甚啣之九月初八
日爲匪所執殺於城西之九畝地是時也匪尙不善操刀連斫數刃

其咽不絕匍匐草中慘呼至明日申酉分始死爰作一絕以哀之初

紅亂紀事草

四 上海掌故叢書
第一

八

小刀竟殺小關刀身臥泥塗口慘號能佐王師擒賊黨縱前無賴也應褒

失火放歌二十

軍本如茶火不戢便爲禍何堪李代桃此舉無乃左羊毛術賊爲巢鷄毛
術火毯拋賊窟未燒燒民宅大男小女棄家跑身未衣釜剩粥昔但無業
今無屋令我聞言悲復悲遠望火光大聲哭

夷之火輪船夜必放氣其聲甚巨賊驚焉愚之者曰是謂地龍叫主
不祥禮送之吉潘賊率其醜類喧囂城上黃錢麥飯如殮如殯蓋異

日伏誅之兆乎九月二十六

飛虎將送地龍血未染頸頭先紅喧天金鼓如春社震耳爆竹逐秋風游

魂隊隊集衆猿奉一被黃錢及羹飯遍列城西東似知身戮絕享祀送龍
實是送其終龍去龍來且莫問大杯暢飲暫稱雄

吳觀察陷賊家丁某懷七守護者旬日繼賄吏得脫失其關道二印
某復入竊得被執受害於教場是爲賊匪殺人之始哀哉作七絕二
章

費盡千般養士心不知沙裏有堅金決旬挾刃晨昏侍爾主臂雙直到今
銅符豈可逆徒操試學如姬竊一遺不是忠良賊不殺多君首倡飲霜刀
十月一日不忘家祭蠡饌濁醪勉盡寸衷適砂雨兄右泉表弟子蘭
弟不期而至遂留飲福適鄭蓮君前夜有晨往東華道院濟孤之約
俟之不至往招則已出城矣卽事四首

紅亂紀事草

五 上海掌故叢書
第一

自挑野菜作杯羹酒盡雨斟淚已盈今日下元陳麥飯不知來歲若爲情
尙幸居然有祭餘難中人聚巧相如莫言粗糲難消酒得醉雙眉鎖便舒
過從晨夕未相違戶外今偏履印稀已學縫城燭之武天空海闊逐飛飛
我死誰澆酒半樽癡心尙念衆孤魂黃錢一陌殷勤祝報李相期在鬼門
嘉應州渠陳姓等通誠歸化不密其逆首得實捉殺時十二月初三
日也歌以記之

小人反覆是其常一日操戈較弱強強者殺人弱者死橫屍載道鬧攘攘
昔昧今明死求活嘉應州人思自拔深悔從前從賊非願將首賊頭顱割
賊顱未割洩軍機密札誰知托付非未曾贖賊賊先賺大隊登時鐵桶圍
匹夫何知慮反側徒手出迎好相識長鎗大戟上前來恨煞身何不雙翼

強者奪門逃捷者上屋匿前者死眼前後者延晷刻此時鼎沸亂如麻狹巷短兵賊殺賊再有踰牆躲民家此家登時遭不測挨門挨戶細搜尋倒篋傾囊舊法則莫道此中無一人城西有窺好潛身黎明縋出投營去稽首軍門效自新

月之十三日夜三鼓風高月黑我軍以火器攻城勢猛甚匪徒無措蓬帳盡焚槍炮均不能開放祇拆城磚遠擲冒烟突火捨命抗拒我雲梯不能前繼火器漸稀天亦漸曉乃退或曰此投誠輩之所爲效力亦報仇也功雖無成而勇奮特甚記之

黑夜諱傳用火攻風因火勢火因風孤嘯鼠竄哀鳴切巢穴燬成幾處紅噴筒火彈滾城頭百道雲梯傍敵樓抗拒本求免死地誰知先作炭骷髏

紅亂紀事草

六 上海軍故遺書

民偏未解事于茅瓦屋魚鱗遍四郊火箭百千如電掣幾曾占叶鳥焚巢爛額焦頭捨命當五更炮熄免驚惶縱然未作灰飛去已似魚游待沸湯鄰居有冒險進城看家者來述家人口信力逼出城口占寄內卽書于敗扇以示之

故人今日降從天珍重賢妻代語傳見說平安心卽慰有無衣食問徒然殷殷堅囑棄家園待博全家笑語喧試想刀環他日事可能一一悉如原

十五日三更又火攻大小二南門

城頭又見火通紅烟焰冲天勢益雄何事居然敢抗敵有人教賊放噴筒紛紛火炬下城拋上下相持赤焰交可惜先登穎考叔荃孤莫繼賊如燒十一月初七日官兵艇船水陸攻打陸兵集攻大小南門西門次之

水兵離船上岸攻大小東門自午未始攻打甚急焚大街斬小東關匪衆半逃劉林二賊在夷場處買火藥等聞警而至叩首泣留且欲跳火衆暫定而已逃之賊數人駕小船欲往浦東見艇船無備擲火焉適投藥桶登時火作賊反噬甚驚我軍回戈急救遂已

軍勇如雲集指日干戈戢蓬蓬鼙鼓震如雷百道檣帆海上來艇船齊泊申江浦火箭火砲急如雨賊渠此際在夷場豕突狼嗥急無主洶洶待進大東關爭奈當頭壓泰山門已洞開人盡走叩首哀求羣醜還潮湧入城方斬鎖不料逃匪駕小舸乘風拋上火藥包頃刻滿船騰烈火前軍見火急回船撲救多時幸獲全賊徒踴躍慶除死打醮行香拜謝天

拆屋

紅亂紀事草

七 上海軍故遺書

賦形強弱信難同廣廈消磨反掌中莫說甯波多健婦且看江北幼兒童夫作紅頭妾守家日來幸有好生涯呼兒伴姊提筐去賊窟挨門討飯巴殷勤結伴共謀財打聽誰家門已開恰似餒餘分此地一羣剛去一羣來家資漸漸運將空空屋何須蠹地中邪許數聲共一笑已如敗葉掃秋風癸丑除夕口占

轉眼年新一甲遇孤燈伴影數更籌天如索遁難言想人以無聊只有愁爆竹桃符空比屋烽烟擊鼓闕城樓春來大地應無顛指日刀環處處謳甲寅元旦

今日儼然六十翁仍嚴冠履拜堂中有人見我如加害清故生員環照公王正月七日立春瑞雪紛如偶見園內紅梅樹樹吐花孤坐無聊一

樽藥冷卽事誌慨

人日逢春遇亦稀更兼瑞雪撒鹽飛倫敦一室同樽酒應見盈庭集綵衣
底事杯卿惟影共何時穢滅許生歸不知今夜荒村月曾照梅花瘦也肥
十二日飯於四哥家羨其兒孫在目啼笑依然歸而有感因賦此誌
謝

辛盤卯酒闌新鮮酬酢紛紜憶往年豈料干戈生肘腋頓教富庶化雲烟
窮如我輩猶支日慮到他時且付天顧影自傷羨伯子尙留骨肉伴餐眠
正月初九日聞西門大境旁城外鑿穴入火櫃焉申酉之間忽焉燃
放城墻壞數丈大兵之登城者數百惜後繼略遲至九畝地而返憶
此櫃去冬曾辦過因掘穴者事尙生手及放時藥力向外曾死多名

紅亂紀事草

八 上海掌故叢書

此次業已見效竟未成功惜哉

花落又花開攻城日幾回今朝偏異昨一震猛於雷
轟發在城西女墻剗若犁前軍曾越險莫繼後雲梯
鼠輩盡狂奔何難先奪門遲遲因底事此恨與誰論
收回霹靂車轉瞬士無譁掘子軍何罪淒涼邊界淺沙

口占

巧媳難爲無米餐今朝空腹對空盤茶能破睡何能飽雪可占年未可團
街巷祇聞啼哭慘城樓益盛笑言歡死家本係儒生分清白遺骸待蓋棺

接家人平安字并來長腰五十升因西人架姓而致

音語無煩命象胥居然爲我作鱗魚平安兩字金無價也把平安寫覆書

傲骨何曾肯折腰對茲五斗黯魂銷想他負米愁無術百計籌成不一朝
元宵節適子卿吟齋右泉吟濤品三賢四兄過從小絃片中夜月
明客去後顧影悽愴有懷用人日韻

會照梅花瘦也肥今宵應共此清輝知他骨肉燈前聚勝我朋儕醉後違
吉語似真還似假兆占疑是轉疑非關心元夜懷名將立月空增羨雁飛
我師自去冬恆於黑夜飛上女墻斬賊取首而去又或於昏黑間在
城脚一帶故作么喝賺其窺探藏鎗葦岸發擊必斃昨雪夜云見二
毛物舞積雪中一黑一白東西跳躍不知我兵之反穿皮襖而爲此
也互相探看愈集愈多忽葦中排鎗齊發傷殺甚衆晨起聞之大快
予心歌以記之

紅亂紀事草

九 上海掌故叢書

紛紛大雪沒城門各着狐狸狹狹手挽煖爐人醉酒喧啾笑罵月黃昏
見說城邊來毛物一黑一白跳翕欬滾擲雪中不怕人莫辨猩猩與佛佛
賊匪狂胆大如天爭上城闌肩壓肩忘却連宵頭斫去公然轟立女墻巔
隔岸轟葦火砲發鐵丸雨驟中即蹶傷者跳噉死橫殭此是王正小捷伐
我聞不幸事已過不識目擊快如何開樽且引三大白濃酒墨瀟瀟長歌
正月二十日始病魔相擾淹淹至二十七日轉劇嚴寒臥床伏枕聽
雪不寐口占

不堪貧病苦難支痛癢飢寒祇自知此日敢言醫與藥半臥糜飲費尋思
屋穿窗破不遮風典盡寒衣饑久空擁絮竹床姑自解梅花還壓雪花中
一燈如豆滅還明夜寂時聞鬼哭聲心可質天身本寄病軀雖怯總難驚

百端愁緒上眉來檢點生平事一回彙影有靈應共鑒斷無同化劫中灰
病中屢夢先君二十九日午夜并夢詢予疾苦恩勤如昔二月朔晨
起焚香敬書二十八字以代禱詞

夢魂夜夜見慈顏笑語依然几席間晨起瓣香無別祝諸孫好護待刀環

甲寅二月初八上丁日誌痛

俎豆冠裳憶去秋陡驚玉帛變戈矛傷心春仲丁逢上屈指年來歲半周
兩序惟傳肉鼓吹中庭高積血骷髏道窮至是真堪痛陳厄匡圍直并投

十四日再病十五夜見月寫懷

愁根病癩力難芟竟日人同夢語哺飲食果然嘗矮屋起居何異坐長監
衣裳搜盡真如洗骨肉思深直似嵌兩度月圓春已半踏青鞵子儘塵緘

紅亂紀事草

十
上海掌故叢書
第一集

紙盡二絕

不識誰人放紙鳶清明游嬉豔陽天度城可欲師前法應有春風到眼前
中心遊颺等長絲祇待東風借我時凝立含情翹首望閒雲片片去來遲

詰鬼

人爲未死鬼鬼爲已死人爾鬼何爲者哀號且經旬嗟吾苦困守經冬又
歷春淹淹一息寄命其與鬼鄰爾若嫌寂寞仰慕欲相親三更入夢內叙
爾去來因或能顯清畫過從更不瞋可以談衷曲可以飲杯巡鬼趣乞相
示鬼道幸指陳我如不爲鬼耳目令我新今我若爲鬼師承易教寧何不
入我室何不現爾形祝鬼鬼不顧聲聲度城闌

我師擊城彈飛恆誤中平民詩以弔之

既貧且苦難中居失火誰知并及魚遲速本來同一死刀傷彈死又何如
三月初八日時屆清明不克躬親掃墓并聞各塾樹木斬伐盡淨不
勝哀歎短歌代哭

日來冷灶久無烟新火鑽榆也枉然最是令人酸鼻處難將麥飯奠荒阡
蒼松翠柏古森森二百年來雨露深聞說盡供樵與牧不知何日再成陰

三月十九日接內子手書知本月初五至初九日兵戈擾攘危險驚
惶不但僑寓者食謀易地即土著鄉民悉事播遷全家做飯未熟忍

餓冒雨登舟至法華鎮時已黃昏法華亦如麻矣不便宿鎮回舟至

殷家閣暫避而四子一姨甥因分路探信及覓居停遂各離散至初

六日午刻始聚由是而徐庫已得寄居方一日而惡境又至于初

紅亂紀事草

十一
上海掌故叢書
第一集

九逃往寶山縣之西橫港與其妹楊同寄居李氏焉泣覽札述不但

族情戚誼之關心直銘五內即履虎蹈冰之險難雖紙上空言亦令

人驚心動魄也乃五日而奔馳百里之遙六口而保一家之慶敵衣

淚漬不挫一毫行篋俱空棲身尙得年衰老婦竟能辦此不覺破涕

而笑爰書數語以誌不忘

三遷育子素傳聞五日三遷苦萬分行色匆匆爭接浙萍踪泛泛逐浮雲
弟兄離散天方雨母子東西日已曠瞥見手書心欲碎但將淚血報勞動

兵與賊抗拒者無慮百次今則於槍砲之外恆繼以罵上下嘩然因

作小詩以記之

武子當年罵矢弓誰教後世習成風聲聲酬答堪資笑口舌相爭似亦雄

惡言出口反爾身百喙曉曉亦苦辛閱遍孫吳少成法問君此舉本何因

寶山香閣三禮拜期不到口占

往日賴東人館穀養家又養身今日有西人轉運勞勞秋復春西人與我
非僑儔彼此分明風馬牛無端苦口勸進教晨往夕來竟不休我守倫常
談忠孝肯人異端附邪教藉他爲雁復爲魚姑與周旋給禮貌居當虎口
久垂涎自見西人漸帖然門貼錢行如蚓字日中安食夜安眠昔年受毒
今受報造化循環何玄奧吟餘側耳聽柴關或有衣糧今日到

咏燕

主人百計守蓬茅今日春歸尚有巢自去自來矜翼便相依相附許神交
語殘曉夢穿簾外啄罷香泥坐柳梢如此危城猶戀戀想因辛苦也難拋

紅亂紀事草

十二
上海軍政區書

二十九日賊因奪財起釁自相殘殺會于邑廟洶洶然如對陣未交
綏有土好二拜動甚力乃解散以誌恨

君不見一骨投地衆狗來力爭死奪咬千回又不見雷聲殷殷天欲雨羣
蟻列陣闢正苦小人反覆本無時倏爾分離條相聚片言不合即操戈見
利而爭何問義請看各隊紅頭賊日日殷勤拜大哥大哥私財弟發怒糾
率嘯囂當盜捕鎗刀火砲殺將來不斬頭顱不回步大哥聞報噓如驕頭
裏紅巾劍插腰指揮羣盜似蜂擁殺盡今朝絕禍苗緊閉六門守險要蠻
觸相逢在邑廟兩獸若爭必一傷此舉得成亦大妙豈知好事竟無成血
未流紅屍未橫無端排難來說客萬轉千回動息爭一言釋忿在倏忽大
小紅頭返賊窟紅頭返窟又歎然萬家困厄無日月

賊搜十五歲小兒將練兵閱城無措幸先有言曰文弱讀書兒不用

輔元堂乃廣設義學讀書人塾保全甚多此舉乃差強人意之一事

會聞賊圍有孩兵欲踐前軌惡念萌到此斯文真有家用家添得讀書聲

浴佛日洗面自警

怕積風塵與淚痕時時浣沐不容存殷勤檢點靈臺滓任爾西江未足論

難民逃長歌

難民逃難民逃難民之悽神鬼號衣底藏星星外莫帶絲毫地比羅刹島
人似海門潮一得門開惡足撻抽查及爾便徒勞此際逃生異日前前
不過使私錢賄通門者付暗號儘爾駭拾萬萬千婦乘魚軒兒錦襪揭簾
驗罷不拘饒富者便宜貧者苦紅頭個個如狼虎搜得懷中挾帶者授之

紅亂紀事草

十三
上海軍政區書

不疾膏斤斧毒極無過任去回大小東門日日開不事打家以舍金銀
衣飾自然來又有一種點且巧藉以經營獲溫飽亦販民食用亦作賊牙
爪過賊接濟集夷場日日城邊同點卯去年我亦決長行未到城門碎胆
驚骨軟筋酥前不得依然屬下待時清難民之歌盡於是身無雙翅祇容
鳴

有約囑友

品味從來不在多調將五味貴其和主人珍重休肉非宰殺烹煑着意摩
雅集何須厭日長要知此譙不尋常若將餒敗充儿席食恐傷人且莫嘗
知君七箸已堪供要待嘉賓樂過從我已垂涎翹足俟執言不屑醉黃封
水錯山珍次第來良朋團聚卽卽杯尚須斟酌無餐餐一醉中宵喚不回

十吐休誇便酒神須知無算是杯巡來虛在座君知否逃席還防劍齒身
我言君意或相歧一到筵開悔却遲爭似降心翻食諸烹鮮失脗有良時

四月二十九日卯刻小南門起轟衆賊死者無數我軍奮登前者墮
死後即繼之銳甚賊捨命相拒至午未間而退

賊黨紛紛游魂盡上城只防城上敵那曉地中轟轟震如雷發遇者喪
殘生城土如雪散城牆似巖崩石同雙燕起人似一毛輕或思天上去或
學御風行上下穿花蝶翻翻出谷驚蝶旋誰轉軸雀喜怪無聲頭飛懸樹
杪腸斷掛瓜棚擲地團如甕埋泥墊墓甕千般奇技獻百種慘形呈屍積
高山疊戈拋遍地橫外城齊吶喊內地悲悲鳴亦有偷生者皮焦面又黥
血流頸半折骨斷足還蹙更疊雲梯起飛來天上兵勇夫彪虎健刀戟雪

紅亂紀事草

十四 上海軍故書

霜明賊苦逃無路聊爲蟬斧擊冒烟增版築捨命死支撐克復在反掌羣
知事必成將軍何太急先登志獨爭誰知威蓋世火砲不容情一彈臣完
節三軍士失驚鳴金收隊去我恨幾時平

五日即事

蒲觴姑獨泛冷淡過年前人人無雙護猶剩一錢應時仍角黍連日憶
冰鮮幸有葵榴在中庭尙爛然

二十九日夜二更忽有聲起自空中非風非火地亦微動片刻天雨
而止因思日間有掘得地道之說意我兵來實內之火藥乎

梅風梅雨打柴門人背孤燈夜色昏忽訝殺聲天未起如潮似浪灑空奔
非風非雨亦非兵想是愁疑怨結成大或有心消以苦特來代作不平鳴

一雲傾盆雨又來頓教四野盡塵埃可憐歲序今過半獨我松關何日開
又覺人聲亂女牆萬千火砲聽爲常若教妖孽今宵殄來日晨興笑一場

六月十九日我兵自西門追賊至大南門匪急爭扒城呼救大半踐
其自所埋之釘上足痛而倒千釘人體死者甚慘初我兵之掘轟也
賊委鄉民報信酬之以銀後漸不繼因四面布釘以毒我兵之近城
者甫埋而尙未四處照會適前日劉賊跳馬求神神傳符印令各匪
佩之火砲無傷故於十八夜偕數千人出北門冲營我師禦之賊敗
走劉賊倖免其後者我兵追殺至北門門閉至西門又閉逃至南門
適自受焉快甚歌之

紅亂紀事草

十五 上海軍故書

今日尋地洞明日尋地洞地洞掘成殺賊衆鄉裏奸民貪酬資日日進城
信暗送將軍多智士多謀不掘深坑祇掘浮莫問東西與南北日夜掘洞
當閒遊日費多金賊力憊南城脚下藏機械似刃長釘遍地栽人莫知之
我有界既防黑夜抓頭顱掘子軍來亦傷軀不料事機顛倒處南城知避
北城趨有日北城追窮寇鼠張皇失故竇轉輾逃至大南門欲上城牆
呼相救人人悉蹈地中釘一跌渾身攢似劍追兵繼至何須殺方信邪神
符有靈凱歌聲裏收兵卒獻策兇奸膏斧鉞將軍成算豈猶人曉夜不分
轟再掘

三十日午刻小南門北首水關橋南首發一轟兵不遠集賊死無數
繼小南門之西同仁里口東又發其一繼於同仁少西又發其一第
一轟尙小第二三兩轟如天塌地裂民房坍塌無數匪之死者山積

慘形萬狀惜仍未奏全功然賊匪胆喪逃散之心日以熾矣

大南門上賊高歌小南門賊拍阿婆魚游釜底樂復樂釜底燃薪可若何
季夏月之三十日攻打百場城未拔不辭辛苦掘地轟今日莫嫌手段辣
地轟前日試城灣已顯神威見一斑此際神威增十倍震如天塌與崩山
一轟繞過二轟鑽千百兇徒登鬼錄殺人如芥不須刀此刻分明大結局
想因大劫未能休鬼冊花名聚未周城上城下一片哭忘却王師去與不
王師既去賊無事收拾殘骸效故智輔元堂裏備棺材埋骨是有九畝地
賊因連次遇轟羣匪必逃乃於各路口設棚又自酒倉至白巷止拆
毀房屋千百掘地爲濠積土爲城受役皆浦東奸民每工二百四十
文供酒肉飯已而來西而去賊衆執械監工無事私出抄搶自初一

紅亂紀事草

十六 上海軍政處

起二十外止吾家從初十至十四受此害而古照與予室俱罄矣

城內緣何復築城既防退還亦防轟上城五尺濠三尺拆毀民居千萬極
屈指中元在詰朝突然鑼集諸魂消咆哮張牙爪頃刻治桑復莫描
勞勞百計費搜羅溪壑難盈不厭多猶幸未加炮與烙倘加炮烙又如何
漸漸東來漸漸西東家啼罷聽西啼倘能視爾橫分日坑爾頭爾再留泥
卽景

天地大梨園編成運與元勞勞諸傀儡不憚演原原傀儡場中百戲陳拙
者癡漢假爲真竟將一部南柯夢頓使人間舊譜新上洋城裏鬧紅頭紅
頭籍隸本倡優一日跳梁效長髮白布紅布當兜鑒有日賊首慶生日賊
兄賊弟繞膝膝演將雜劇學萊衣面目盧山自施筆宋江鬧海陽羅通死

紅亂紀事草

十七 上海軍政處

神恩嗟嗟若得外兵來饒一餉團圓戲雲時清淨穩眠殮

補刈荷歌

刈荷復刈荷爾荷聽我歌愛爾珍如寶今年花較多今年不比去年花
較如林賊似麻惜花不把爾花刈定決人亡并破家豈待花開豈待蒔如
豆如梅日日摘花神有靈更怨誰有淚酸心伴予滴不見人家有一池結
羣聚類到嫌遲到泥魚蝦更洗浴浴竟乘便肆荼毒即看街前五畝園產
蕩家傾尙未足也是園中花正苞爲花今日賊爲巢若教任爾花開落直
取家資親手拋荷花聞語心胆慄不發一花并一葉

閏七夕口占

今夕傳夕牛女重聞若非置閏已是一年 今日今夕星月在天不知何

日再續斷緣

懷故友

考終審列五福古我友首推張秋浦死喪祭禮悉周時事非時身入土不後不先又何誰其次或數周卹兩道山促駕正悠遊逮小午眠已旁午二君此福幾生修到死不識別離苦繼之只有倪荇廬臥病今年窮巷居聞變罵賊十晨夕絕粒捐生敵屢如諸公去來無爾便一任世間爭與戰苦我不死學幽半指日故人或相見故人曾否鑒我心朝夕冰淵慎履臨規模莫爲幽冥隔清夜時投藥石箴

去年月夕同聚七人今又見舊月團圓而砂四哥返真逾月連日又得賓來弟雲士弟耗首不勝沮喪時孫吟齋兄暨汪吾三弟黃品三

紅亂紀事草

十八 上海軍政要務

表侄小酌悶悶忽徐子卿姻兄孟友泉表弟各攜肴合相餉舉杯邀明月莫辨主賓三更客去素娥益潔幾忘困難中也半載來僅得斯夕喜而詠之

月明今夜又中秋得酒終宜解百愁閑寂頃篋思自切團圓骨肉念難休
懷無笑我癡留棧試問何人是其舟慚愧年衰怕離別放懷且說大刀頭
賊勢日促逃者紛紛前日劉賊投耶蘇教自羅其辦哀其援也今勒其下概去潘賊助順去者三百人別匪觀望因日蓄髮者百姓否者殺去辦者兄弟不去者殺繼又聞更換衣帽之說此比前妄思課士之事爲更毒矣不得不行四次至門皆以有西人在外緊閉不開事益急乃匿於我家之鐸巷凡二日後知又不果乃返爰占四絕誌幸

紗帽儒巾優孟裝分明兒戲鬧當場如何禍及旁觀者我有衣冠不改常

先機擬逐白雲飛爭奈城如鐵桶圍不是羊疊也痛哭傷心幾度到門歸
招提匿跡戰兢兢禍到頭來便羅僧却羨阿兄真達者泉臺安處有誰憎
又說癡人癡夢休同儕尙且不同謀分明我死重甦矣一笑掀髯再出頭
自二十至今一切俱無將伯莫助二十五日兒輩得便寄進一切有
酒有蟹西人之力也持蟹獨酌歌以樂之

連日曾無魚雁通况兼妙手又空空馳心天末勞勞望可有秋來萬里鴻
相思正爾苦愁居忽報平安到敵廬更喜冷廚充食用一瓶美酒一封書
籠中更復致團圓怒目張驚帶草泥羨爾橫行何勇健城圍鐵桶不須梯
掀髯狂叫興難降浮白待整坐北窗最是不聞來舊雨子身和影伴銀缸

紅亂紀事草

十九 上海軍政要務

九月初四日卽事述懷

四知是懷守恭嚴離亂曾無瓜李嫌如此干戈如此却從教善少罪何添
孤燈寂寂夜黃昏幸得清閒且閉門舉首問天天不語一輪皓月照乾坤
時事七古

申江之水何洋洋蕭蕭雜處慨五方七閩三秦與百粵并使夷虜作巢窟
紅毛英吉又花旗作應藏奸鮮不爲陽奉官兵陰附賊假將勸世說慈悲
一度講書隔七日分文合米示撫恤愚夫愚婦受其愚進教紛紛傳秘密
秘密傳廢祖先拜耶穌別有天人大概作升天想我獨聞之心快快翻然
幾度叩門來無奈我何詞倔強怪哉喜我異齊人受我馳驅秋復春去去
來來夷有蹟直令紅焰少柔馴因計軍前亦可使以匪攻匪本苦志金錢

百萬等牛毛一旦成功珍匪類類珍景運轉并圖之豈不善

傷菊

年年種菊費勞心今到秋來倍精神欲向東籬籬下坐東籬早付現灰塵
憶昨妻孥哭別時秋英正在逞清姿孤身人挈孤芳伴排悶花前酒一卮
難中友伴數相過花底同愁喚奈何此日花亡人半別秋風無賴入窗多
景物蕭條又一年星眉兩眼望將穿菊花憔悴人消瘦傲骨還愁似菊捐
賊日窘西人以其無多利也前月初起與匪作難十三日在洋涇立
一棚禁往來人過之者攜帶攫去人即驅轉或打傷并死然火藥槍
砲油燭米物西人仍辦也難民受苦無計則有鄉人自開北冒險至
城脚叫賣雞百物皆備其價之昂至十八日斤米三十五文青菜十

紅亂紀事草

二十 上海軍故遺書
第一

四文猪肉每斤一百六十文他物稱是予雖有諸兒子辦有西人之
運而西人匪亦拒入城矣因作四絕誌之時十月五日也城上燈火
大減匪知難支食米每人祇給十兩或半斤亦廣乏也
固閉已經又一年久嗟物價倍從前而今更益發苦聞說而今絕買港
鎖圍兵志古來聞玉石何能仔細分拚學西山窮餓者祇求從此蕩妖氛
中外原來久一家西夷效命海堪嘉陳倉焚積曾知否星火何妨寄暮鴉
中懷有意苦難伸恨煞從前幽弄人若使依然而我共定看界內一番新
哭砂四兄七律

弟兄患難正相依底事中途捨我歸屈指寒暄時候改傷心魂夢會何稀
莊生化去情宜適墨子途窮境日非骨肉情添泉下伴玉樓仍作雁行飛

十一月初四日子六十初度舉目無親處境日促雖同難諸戚友咸
來慰祝酒餚粗具又初二日爲冬至令節故自初二日至初六日人
因無事酒益盈樽晨夕羣飲幾忘世故因成二律自述

虛擲浮生六十年不堪回首憶從前老妻弱子同稱兒膩友嘉賓共壁筵
骨肉團圓貧亦樂門庭和順福真全何期轉眼滄桑變忍道孤曾此日懸
多情姻姪動啣杯契合提壺得來自爾如鷹心幸愜分教學佛成重開
想他村郎能粗給說到城危更可哀幸喜一陽前夜復定看事事逐春回
上月以來夷人楊禁日嚴匪之把門日緊難民日苦而北門之偷藏
由西面一帶來者日衆至北門日夜男婦如蟻守城之賊亦無如何
雖不時夷人放鳥槍或土或下擊斃多人乃上者謀食下者謀利卒

紅亂紀事草

二十一 上海軍故遺書
第一

莫懼也予從不敢至今因予卿告三吟臂三位力保方乘輿而往一
兒汗駭遶巡而返不市一粟因作歌以誌之

千百生靈困陷穿口實莫求益告病人人盡上北門城欲保餘生不惜命
城頭男女喊聲嘩如蟻爭蟻爭蜂蟻爭蜂蟻爭蜂蟻爭蜂蟻爭蜂蟻爭蜂
聞昔各城偷賣紅頭抄捉無少懈今日紅頭不似前但囑小心無別話
一繩吊上一繩懸祇論有無不論錢更有親朋或有族暗藏偷度到城邊
又有一人淚如霰骨肉相期會一面無邊苦況筆難宣尚說今朝較昨便
請君勿訝價何昂一破機關命遂亡狗財莫作貪夫戒一絕貪夫便絕糧
我今一載未曾過既到何如胆怯何徒手歸來天欲暮一樽獨酌託長歌
賊之物件雖有夷人運送然抄搶已竭窮蹙日其苦城上燈火萬盞

一望如星以後日減至十月十四夜僅如燐火數點二十以後竟全
夜無火者幸之四絕句

擊更鼓斷續聞昨夜猶然見鬼燐底事今宵如禁火暗中想易
尙憶從前八月時通城徹夜似新施無源必竭今始信任爾兇狂恐不知
城外應知積似山金錢雖有贖君難待看有日陳尸會取爾燃臍後啓關
小窗尙有讀書燈眼底光明我獨矜再掩重帷好愛護依然吐蕊燐騰騰
數十人陳賊難難民中兵不識被遁廢然而去

大兵殺入九畝地未及開門廢大事大兵殺上北城來人已登城門已開
昧爽入城天曉去無靠百姓盡罹災火球拋去住房燒枕上驚魂髮半焦
千年古剎也成劫紫焰紅光徹九霄此時正好殺兇賊賊穴即在寺東側

紅亂紀事草

二十二 上海軍政要聞

大兵屯集香花橋見賊問賊賊不識拋却刀槍棄號衣賊徒逃命去如飛
後軍緩擊因何事竟使登時失事機事機既失功難奏一面網開活窮寇
窮寇勞勞掘陷坑垂斃尙圖困獸鬪

缺油已久不論何油可以燃燈者雖貴必買後并以廟中廢蠟每兩
亦賣二十文至十二月十四五日一切斷絕蠟油早竭忽有數甯波
人分路出賣豬油每兩三十六文色甚白而清作燈極明惟時時發
爆且有平素食狗之人并以煎熬小粉老糟諸物云其鮮肥後知其
皆竊人脂煎成射利幸予尙有婦人抹頭菜油一瓶日用未乏故得
未市此喪心物詩以誌幸亦誌哀也

焚膏繼晷舊生涯蠟淚盈庭富貴家不信我生離亂日如金一滴爲還餘

變局可憐人食人將人作狗信其真誰知熬炙脂膏酷始信而今無鬼神
十二月十六日即事

城裏重城城外墻長墻隔網市和鄉從教百物難飛渡瞥見羣黎再受殃
三倍陡增買豎利百錢爭看幼孩忙草根木葉冬來盡反羨凶年食糗糠
立春前一日口占因久無城外音信品三又來話別且聞有初一必
進之說

妻子飄流剩子身柴扉久掩四無鄰向來尙觀平安字此後且無慰藉人
粒米似珠何地覓寸心如木對天陳聞諸道路私相賀一雲知回黍谷春
聞有人出城議事者初八

紅亂紀事草

二十三 上海軍政要聞

直視天無半笠形此何事也敢偷鈴不明已久曾思恥蚌道終然必反經
一死求舒猶汝分千家藉庇詎誰聽余如得借虬髯劍盡殺狂且飲血腥
時事諸二章十二月二十二日作

米作怪米作怪二百青蚨一斤賣誰還有力買一斤三兩二兩如守戒賊
徒米盡喫馬牛他人困頓彼爽快三十六千斗珠前生欠盡口腹債草
根本葉冬盡無大男小女沿街拜千霉百爛物零星買得入口敢言壞上
品無過糠與糟其次何分草共芥掘穴捉蜚蜚鼓皮熟煮挂藥物有奇功
餓病醫亦瘡懸樓投井人如麻床上呱呱危露蕤大家小戶一例矣老夫
枵腹不辭憊

鑽炮洞鑽炮洞炮過逃生命半送外有甯波折鈔之奸民內有包
圍紅頭之撮弄若非賊匪賊與朋必議洋錢嬰賊衆一面盾牌遮洞門縱

欲逃生做春夢出洞果逃死裏生身無依傍仍餓凍有日賊滅返故園家
貨烏有心亦痛嗟我六十命如絲念之不敢卜從衆鄰子向余決去留蒿
目不答歸一慟

大除夜二鼓我師鼓噪登小南門時匪已遁逃無幾不敢抗拒矣賊

帳數處已火惜不即搜剿直至廣匪自北門來捨命抵敵冒火開槍

我師旋退雖日困獸宜備然令之荷延二日又越一歲矣一律以記

恨事

昨聞擊鼓震天雷就驚驚魂枕上回快觀賊營皆烈火旋看士衆若奔雷

定知狐鼠屍橫疊應得瘡痍笑口開底事鼓嚴三度後依然令我淚盈腮

大除夜初鼓聞小南門起轟一位聲頗弱後知即秋間在城鼓下被

紅亂紀事草

二十四

上海軍政叢書
第一集

匪掘得今復修使放因士已鬆城無力故也

爆竹今宵寂萬家索然孤坐感年華降降疑有春霆起城上屍餘又發嘩

地轟兩兒震天中勢若山摧氣若龍此夜殺人何太少知緣上脈已疏通

乙卯元日羅雀掘鼠力不能忍死家人已告應即棄而去亦上可以

告祖宗下可以對兒輩矣決於初七日候夷鬼入城時乘機瀾出焚

香告天歌以代哭

危城又困一年週兩遇王正命尙留忍恥偷生心有在沉機觀變志難酬

頻聽一語都成夢何日佳音報獻因泥首告天臣力竭可憐老屋定荒邱

乙卯王正月初二日丙寅早子刻破城賊即事誌幸

鐵腸難寐坐三更忽報天兵已克城冠帶焚香勤稽首喜聽四面鼓聲聲

兵火相連自古然祇圖賊滅敢圖全金蛇遍地皆紅焰玉石昆岡劇可憐

本無長物實篋箱况被強徒數探囊今日稿師慚白手祇留老淚當壺漿

士如貔虎刃如銀賊蹟今朝慶絕塵不戮一人體聖德盡教大地轉陽春

辰刻門啓通行走親友之在外者爭來探問衣錢酒食各出至情過

從雜沓如賀歲然詩以誌德

提壺挈榼慰飢人此際如逢隔世生相見無言惟有淚不知誰主孰爲賓

關心先叩妻兒耗僥倖猶逢歲月新今日勝於元日日盈門喜氣集親鄰

初二日辰刻拾兒回家

剝啄聲聲叫阿爺喜見今日又歸家兒音久斷而爺耳啼笑無從緒若麻

克復後連日沉湎初三日數友小酌中有以善醉成飲爲辭者合座

紅亂紀事草

二十五

上海軍政叢書
第一集

掃興詩以嘲之

此日卽杯異往時顯君無事苦推辭零沽不似從前貴戒飲於今便是癡

君言善醉恐非真善醉方成大福人偷得中山千日酒祇須半醉到今春

初四日午松樓兩兒自寶山歸喜誌

骨肉重逢涕淚垂今朝又見兩佳兒縱遭危險都無恙幸得團圓即便宜

此日有爲皆吉事全家同祝說歸期烹鮮沽酒勞何恤樂境恆從苦後知

骷髏歌

骷髏我非墓莊休眼見兇徒身後戮作歌勸告活紅頭紅頭往日意何

豪改裝善髮踰刀戕官規獄掄府庫壯丁不羨義長毛南隴川沙皆賊

窟寶山嘉定也驛驛掘土爲巢穴案財拷富豪挨門搶妻女人命等弁鬚